

- 1). Samtök kvenna á vinnumarkaðinum eru stofnuð í þeim tilgangi að leiðréttu hið mikla misrétti sem er á kjörum karla og kvenna:
- 2). Atvinnuöryggi kvenna er viða bágborið. Sést það best í fiskvinnslu þessa dagana, þar sem stöðugt er verið að segja fólk upp kauptryggingu með aðeins viku fyrirvara. Alkunna er að hér er aðallega um konur að ræða.  
Við krefjumst þess að kauptryggingarákvæðin verði felld úr samningum, og farið verði eftir lögboðnum uppsagnarfresti eins og tiðkast í vel flestum stéttarfélögum:
- 3). Við krefjumst þess að engir launataxtar verði fyrir neðan lögboðin lágmarkslaun, eins og nú viðgengst:
- 4). Ljóst er að mikið ber á milli stéttarfélaga um réttindamál kvenna, svo sem varðandi veikindi, fjarvistarétt vegna veikinda barna, uppsagnarfrest, lífeyrisrétt og barnsburðarleyfi:  
Við krefjumst þess að réttindamál kvenna verði ætið miðuð við það sem best gerist í kjarasamningum, jafnframt krefjumst við þess að fyrri kröfur verkalyðsfélaganna um dagvistarrými fyrir öll börn, verði endurvakin og sett á oddinn í komandi kjarasamningum:
- 5). Þær hugmyndir sem fram hafa komið um að láglunafolk fái greiddan hluta launa sinna með afkomutryggingu, sýna það neyðarástand sem nú ríkir meðal láglunakvenna. Þær eru einnig opinber viðurkenning á viljaleysi margra forystumanna í samtökum launafólks til þess að berjast fyrir mannsæmandi kjörum þessa sístækkandi hóps.  
 Þessi leið til úrbóta á óviðunandi ástandi felur hinsvegar í sér hættu á að ekkert verði um að semja í kjarasamningum í framtíðinni, - vísað verði á afkomutryggingu þegar leitað verði bættra kjara. Afkomutrygging yrði tekin úr okkar eigin vösum, en ekki greidd sem sjálfssagður arður af vinnu okkar. Hugmynd um afkomutryggingu er því ekki rétt leið út úr því neyðarástandi sem nú ríkir í afkomu launafólks: Eina leiðin eru að krefjast þess réttar að laun séu arður af vinnu okkar:  
Við krefjumst því þess að atvinnurekendur setjist við samningaborðið og semji um mannsæmandi laun:

- 6). Við visum á bug þeirri tillögu Vinnuveitendasambandsins að launatengd gjöld verði greidd beint til launafólks, og krefjumst þess að enginn áunnin réttindi verði felld úr samningum með þessum hætti: